



UNIVERSITÄTS-
BIBLIOTHEK
PADERBORN

Universitätsbibliothek Paderborn

Tora nevi'im u-ketuvim

Leusden, Johannes

Amstelodami, 1667

Cap. XVII.

urn:nbn:de:hbz:466:1-39406

עם אבתיו וימת בשנת ארבעים ואחרת למלכו :
ויקברו בקברתו אשר כרה לו בער דויד וישכיבוהו ¹⁴
כמשכב אשר מלא בשמים וזנים מרקחים במרקחת
מעשה וישרפו לו שרפה גדולה עד למאד :

וימלך יהושפט בנו תחתיו ויתחזק על ישראל : ¹⁵ *Cap. XVII.*

² ויתן חיל בכל ערי יהודה הבצרות ויתן נציבים בארץ *In patris solium succedit Josaphat.*
³ יהודה ובערי אפרים אשר לכר אסא אביו : ויהי יהוה

עם יהושפט כי הלך בדרכי דויד אביו הראשונים

ולא דרש לבעלים : כי לאלהי אביו דרש ובמצותיו ⁴ *Paterna pietatis amulus.*

הלך ולא כמעשה ישראל : ויכן יהוה את הממלכה

בדויד ויתנו כל יהודה מנחה ליהושפט ויהי לו עשר

וכבוד לרב : ויגבה לבו בדרכי יהוה ועוד הסיר את ⁶
הבמות ואת האשרים מיהודה :

ובשנת שלוש למלכו שלח לשריו לבן חיל ולעבדיה ⁷ *Religionem summo studio procurat.*

ולזכריה ולנתנאל ולמיכיהו ללמד בערי יהודה :

ועמהם הלויים שמעיהו ונתניהו וזבדיהו ועשהאל ⁸ *וְסִימָוֹחַ קִרִי*

ושמרימות ויהונתן ואדניהו ומוביהו ומוב אדונייה

הלויים ועמהם אלישמע ויהורם הכהנים : וילמדו ⁹

ביהודה ועמהם ספר תורת יהוה ויסכו בכל ערי

יהודה וילמדו בעם : ויהי פחד יהוה על כל ממלכות ¹⁰
הארצות אשר סביבות יהודה ולא נלחמו עם

יהושפט : ומן פלשתים מביאים ליהושפט מנחה ¹¹ *Muneribus à vicinis colitur.*

וכסף משא גם הערביאים מביאים לו צאן אילים שבעת

אלפים ושבע מאות ותשישים שבעת אלפים ושבע

מאות : ויהי יהושפט הלך וגדל עד למעלה ¹²

ויכן ביהודה בירניות וערי מסכנות : ומלאכה רבה ¹³ *Copia ac Duces ipsius.*

היה לו בערי יהודה ואנשי מלחמה גבורי חיל

בירושלם : ואלה פקדתם לבית ¹⁴
אבותיהם

CC. E. 999

אבותיהם ליהודה שרי אלפים ערנה השר ועמו גבורי
 טו חיל שלש מאות אלף: ועל ידו יהונן
 16 השר ועמו מאתים ושמונים אלף: ועל ידו עמסיה בן
 זכרי המתנרב ליהוה ועמו מאתים אלף גבור חיל:
 17 ומן בנימן גבור חיל אלידע ועמו נשקי קשת ומגן
 18 מאתים אלף: ועל ידו יהוזבד ועמו מאה ושמונים
 19 אלף חלוצי צבא: אלה המשרתים

את המלך מלכד אשר נתן המלך בערי המבצר
 אורח בכל יהודה:

Cap. xviii.
 Socium sese
 adjungit
 Achabo, in
 bello contra
 Syros;

ויהי ליהושפט עשר
 1 וכבוד לרב ויתחתן לאחאב: וירד לקץ שנים אל
 אחאב לשמרון ויזבח לו אחאב צאן ובקר לרב
 ולעם אשר עמו ויסיתהו לעלות אל רמת גלעד:
 3 ויאמר אחאב מלך ישראל אל יהושפט מלך יהודה
 התלך עמי רמת גלעד ויאמר לו כמוני כמוך וכעמך
 4 עמי ועמך במלחמה: ויאמר יהושפט אל מלך
 ה ישראל דרש נבא כיום את דבר יהוה: ויקבץ
 מלך ישראל את הנביאים ארבע מאות איש ויאמר
 אלהם הגלך אל רמת גלעד למלחמה אם
 אחדל ויאמרו עלה ויתן האלהים ביד המלך:
 6 ויאמר יהושפט האין פה נביא ליהוה עוד ונדרשה
 7 מאתו: ויאמר מלך ישראל אל יהושפט עוד
 איש אחד לדרוש את יהוה מאתו ואני שנאתיהו כי
 איננו מתנבא עלי לטובה כי כל ימיו לרעה הוא
 מיכיהו בן ימלך ויאמר יהושפט אל יאמר המלך
 8 בן: ויקרא מלך ישראל אל סרים אחד ויאמר
 9 מהר מיכהו בן ימלך: ומלך ישראל ויהושפט
 מלך יהודה יושבים איש על כסאו מלבישים
 בגדים ויושבים בגרן פתח שער שמרון וכל הנביאים
 מתנבאים

Aute ta-
 men nu-
 men con-
 suli petit.
 5 Propheta
 Achabi
 faustare-
 vunciant.

מיכיהו קרי

